

## ԽՄԲԱԳՐՈՒԹԵԱՆ ԿՈՂՄԻՑ

«Արարատի» խմբագրութիւնը ցանկանալով ըստ կարողութեան հետաքրքիր դարձնել ամսագիրը և, որքան թերթի ծաւալը ներում է, բաւարար նիւթ տալ ընթերցանութեան համար, դիմում է հայ գրագէտներին և ուսուցիչներին խնդրելով նրանց աշխատակցութիւնը:

«Արարատում» բացի կրօնական—բարոյական յօդուածներէց՝ կարևոր տեղ պիտի յատկացուի նաև մանկավարժական, գրական—բանասիրական ու պատմական յօդուածների և ուսումնասիրութիւնների:

Առանձին ռւշադրութիւն պիտի դարձուի ոչ միայն մեր և օտար ազգերի եկեղեցական կեանքին, այլ և հայ կեանքին ընդհանրապէս:

Ստացած ամեն գրքի մասին մատենախօսութիւն գրել կը տրուի ձեռնահաս անձերի:

Ցանկալի է, որ ուղարկուած յօդուածները երկար շարունակելի չլինին:

Յօդուածների համար կը տրուի վարձատրութիւն կամ գրամով, կամ յօդուածների արտատպութեամբ «Արարատի» դիրքով: Վարձատրութեան չափը կամ արտատպած օրինակների թիւը կորոշէ խմբագրութիւնը: Եթէ յօդուածագրի կողմից որ և է ցանկութիւն չէ յայտնուած վարձատրութեան մասին, յօդուածը չի վարձատրուիլ: Չեն վարձատրուում նաև վեց երեսից պակաս պատահական յօդուածները, ինչպէս և թղթակցութիւններն ու պատասխանները:

Խմբագրութիւնն ազատ է համարում իրեն՝ յօդուածները կրճատելու, եթէ յօդուածագիրն առաջուց պայման չէ գրել անփոփոխ տպագրելու:

Թարգմանութիւններ ուղարկելիս պէտք է յիշատակել բնագիրը (հեղինակ և լեզու) և, եթէ կարելի է, ուղարկել նաև բնագիրը, որ յետ կը դարձուի ուղարկողին:

Չտպուած փոքր նիւթերը չեն վերադարձուում, իսկ մեծ յօդուածները վերադարձուում են յօդուածագիրներին հաշուով: Չտպուելիք նիւթերի մասին կը յայտնուի «Արարատում»:

